



15. april 2010

Inatsisartut suleriaasianni § 36 imm. 1 naapertorlugu Naalackersuisunut apeqput imaattoq saqqummiuppara:

Nanortalimmi eqqaavissuaq pinngortitamut inunnullu peqqinnarunnaavissoq iliuseqarfiginiarneqarpa?
(Inatsisartunut ilaasortaq Anders Olsen, Inuit Ataqatigiit)

Tunngavilersuut:

Nanortalip Kommunerisimasaani ukiuni arlaqaleqisuni eqqaavissuaq ajornartorsiutitut suaarutigineqartarsimaqisoq peqqinnanngilluinnartutullu nalilerneqarnikuusoq tamatta nalugunanngilaput.

Aamma eqqaavissuaq avatangiisinut mingutsitsingaatsiartutut nalilerneqarnikuuvoq misissuisoqareerneratalu kingorna paasineqarnikuulluni.

Illoqarfiup innuttaanut peqqinnanngeqisoq naluneqanngeqaaq qanorlu iliuseqarfiginiarneqanngippat ajornartorsiut annertusigaluttuinnartussaasoq ilimagineqarsinnaavoq.

Taamaammat apeqputigerusuppara maani Nanortalimmi illoqarfiit inoqarfiusut kujallersaanni ikuallaavimmik pilersitsisoqassamaarnersoq.

Kommune Kujalleq-mi ajornartorsiut ilisimaarineqaraluartoq taamaattoq oqartussaaffik annertoq nunamut avatangiisinullu tunngassuteqarpoq taamaassillunilu akissussaaffiup annersaa Namminersorlutik Oqartussaaniittoq qularnanngilaq. Akisussaassuseqarpalaartumik pissuseqassagutta naalackersuinikkut suliaqartuniit piaartumik aaqqiissutissamik ujartuisoqartariaqarnera isumaqarfiginarpoq.